

Heiqyahvaiz Cinzhih

□ Daenggingh cingjeix



▲ Vunz yienj “duzvaiz” lumj liux bae.

◀ Dangdieg roengzrengz son-gyauq vunz lai swnjcienz heiqyahvaiz.



▲ Heiqyahvaiz baenz cungj “heiq hungdaeuz” dangdieg guh hozdung gvaq ciet.



▲ Heiqyahvaiz cungj miz “vaiz”.



▲ Heiqyahvaiz baenz mbaw-mingzben lijyouz dangdieg.



▲ Yienghsiengq heiqyahvaiz.



▲ Heiqyahvaiz 《Dahsien Soengq Lwg》.



▲ Heiqyahvaiz cingq youq lajmbanj yienj.



▲ Bouxyienj heiqyahvaiz cingq haeujsim cangsiengq.

ciengq、miz yienjheiq, vunz yawj le riu angq lailai, bouxguhnaz dangdieg gyaezmaij dangqmaz.

Baez daengz duenh gonqlaeng ndawcieng, vunz lai dangdieg gag guh hozdung angqcoux seizcin, sim gouz ndaem maz baenz maz, ciengz maz ndaej maz. “Diug vaizcin” dwg hozdung cei q daeuz; youz song daengz sei q boux vunz daz duz “vaiz” baihlaeng banq miz doenghgij baengz raiz miz dozveh haenx, cunz daengz gak ranz gak hoh baiq cieng hoh bi moq, doq diug doq ciengq.

Yienj heiqyahvaiz ciengzseiz ciengq fwen maqmuengh, laemzseiz biuyienj, bien yienj gojgaeq iq ndaw saedceij (ciengzseiz daj goek daengz byai yienj gij hong reihnaz ndaem ciengx, lumj cae naz、doek ceh、baekndaem daengj).

Heiqyahvaiz dwg daengx guk

cungj heiq gag miz ndeu. Ciuq ndaw saw geiq, daj Ciuheingh duenh Genzlungz doxdaeuz, Cinzhih couh miz ban heiqyahvaiz gingzciengz yienjheiq lo, youq Cinzhih miz cei q lai. Moix aen ban heiqyahvaiz ndaw-biengz itbuen miz 10 daengz 16 boux. Yienjheiq seiz haenx, boux-yienj ciengq coenz gwnz coenz laj liux, roq baez gyong laz ndeu. Gij vahciengq daihbouhfaenh dwg caet cih saw, vah mizyinx hawj vunz lai yawj couh riu angq、vunz lai ngaih rox, doenghgij daegdiemj heiqangq yienhda, vunz lai dangdieg gyaezmaij dangqmaz.

Heiqyahvaiz heiqmoeg(cozbinj) lai dangqmaz, faen baenz song loih hung: Heiqmoeg cojcienz caeuz heiqmoeg yienhdai. Ciuq gyoep-suenq mbouj caez, heiqmoeg cojcienz miz 340 lai aen, heiqmoeg daihyauj miz 《Fwendaibingz Saekcin》《Cinz Simeij》《Liengz Sanhboz Caeuz Yinghdaiz》daengj. Heiqmoeg yienhdai miz 250 lai aen, heiqmoeg daihyauj miz 《Cejdai Cin》《Sam Sawq Bouxgvaigi》《Roengqgaeq》daengj. Gij daegdiemj cei q hung gvendaengz heiqyahvaiz haenx dwg aeu ciengq guhdaeuz, gangjah noix dangqmaz.

2007 nienz, Heiqyahvaiz Cinzhih ginggvaq Gvangsijh Bouxcuengh Swcigih Yinzminz Cwngfuj doengz-eiq, ndaej senj haeuj daih’it buek swcigih gaep feihvuzciz vwnzva yizcanj mingzloeg.



▲ Yienghsiengq heiqyahvaiz youz bouxyienj ciennieb yienj haenx.



▲ Cinzhih Si baengh heiqyahvaiz ndaej bingzguh “Cungguek aen mbanjranz yisuz ndawbiengz”.



▲ Gizdieg yienj heiqyahvaiz bouxyawj lailai.